

Broj: 01-02-1291/25
Sarajevo, 30. 6. 2025. godine

Z A P I S N I K
S 22. REDOVNE SJEDNICE PREDSTAVNIČKOG DOMA PARLAMENTA
FEDERACIJE BiH, održane 26. 6. 2025. godine

Sjednica je počela u 10:11 sati.

Sjednicom je predsjedavao Dragan Mioković, predsjedavajući Predstavničkog doma.

Nakon intoniranja himne Bosne i Hercegovine, predsjedavajući Mioković pozdravio je zastupnice i zastupnike, goste, kao i predstavnike akreditovanih medijskih kuća koji prate rad sjednice.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Zastupnici Begajeta Čaušević, Mirza Batalović i Luka Falatar opravdali su svoj izostanak.

Potom je na glasanje stavljen Zapisnik s 21. redovne sjednice:

Sa 60 glasova *za*, 2 uzdržanih i 3 glasa *protiv* usvojen je Zapisnik s 21. redovne sjednice.

Zastupnička pitanja

Admir Čavalić uputio je niz pitanja koje se odnose na spaljivanje 100 tona alternativnog goriva. Pitanje je uputio Ministarstvu okoliša i turizma, EP BiH, TE Tuzla, Gradu Tuzli, Vladi FBiH i Ministarstvo energije, zatraživši da mu se dostavi akt Ministarstva broj 0519985/24 od 13. 2. 2025. godine kako bi vidio je li bilo komunikacije među navedenim strukturama.

Mahir Mešalić izrazio je javni protest zato što nije dobio odgovore vezane uz zaduživanje BH Telecoma u iznosu od 750 miliona KM.

Marko Saraf postavio je pitanje Federalnoj upravi za inspekcijske poslove i inspektoru zaštite okoliša - šta su preduzeli nadležni u vezi s nelegalnom deponijom koja se nalazi u blizini dva izvorišta pitke vode.

Jasmina Bišćević-Tokić pridružila se zastupniku Mešaliću i izrazila nezadovoljstvo jer nije dobila odgovore na zastupnička pitanja s prethodne sjednice.

Pitanja s 22. sjednice upućena su Graničnoj policiji u vezi s hangarom koji se nalazi na području Međunarodnog aerodroma u Sarajevu.

Adisa Kokić-Hinović prvo je pitanje uputila Federalnom ministarstvu rada i socijalne politike i Ministarstvu obrazovanja: je li Ministarstvo radilo ili planira raditi na analizi odgojno-obrazovnog rada s djecom s autizmom, imamo li dovoljno stručno osposobljenog kadra za rad s takvom djecom. Drugo pitanje upućeno je Federalnom ministarstvu prometa i komunikacija, šta se dešava s Nacrtom Zakona o informacionoj sigurnosti Federacije. Treće pitanje, upućeno Federalnom ministarstvu zdravstva, vezano je za liječenje od neplodnosti.

Mirza Čelik uputio je nekoliko inicijativa. Prva je upućena Ministarstvu prometa i komunikacija da se pristupi izradi projekta i realizaciji rekonstrukcije modernizacije brze ceste na dionici Mostarsko Raskršće-Ilidža, dok je druga bila ponovljena inicijativa za uspostavljanje zračnih snaga za gašenje požara.

Marijan Marjanović uputio je pitanje Federalnom ministarstvu za pitanje boraca i invalida Odbrambeno-oslobodilačkog rata: postoji li komisija za retroaktivu te ako postoji koji joj je zakonski osnov i po kojem se osnovu isplaćuju obaveze mimo redoslijeda pravosnažnosti presuda. Također je postavio pitanje Federalnom ministarstvu pravde s obzirom na to da se radi o pravosnažnim presudama, je li Ministarstvo upoznato s ovakvim načinom isplate sredstava. Ako nisu upoznati, pozvao je Ministarstvo da izvrši upravni nadzor nad pitanjem koje je važno za ratne vojne invalide.

Na pitanje je odgovorio ministar Vedran Škobić.

Adnan Efendić uputio je prvo pitanje Poreznoj upravi Federacije, zatraživši informaciju o broju izvršenih kontrola fizičkih lica po kantonalnim poreznim uredima.

Također zatražio je dodatno pojašnjenje prethodnog zastupničkog pitanja, koje se odnosi na izgradnju dionice Tunel Prenj na koridoru Vc. Dva pitanja uputio je za JP Autoceste: koja su istraživanja na dionici Mostar sjever-Mostar jug urađena prije potpisivanja ugovora te koji poslovi spadaju u tehničku asistenciju i na šta se sve ona odnose?

Delfa Dejanović postavila je pitanje Ministarstvu za pitanje boraca i invalida Odbrambeno-oslobodilačkog rata, šta je Ministarstvo preduzelo po pitanju rješavanja problema s kojima se suočavaju borci? Pitanje je konkretizovala, kazavši da se radi o demobilisanim borcima 108. Pješачke brigade HVO Ravne-Brčko.

Mirsad Zaimović uputio je pitanje Poreznoj upravi Federacije BiH i Federalnoj upravi za inspekcijske poslove, zatraživši tabelarni prikaz za prvih pet mjeseci 2025. godine o broju obavljenih kontrola i inspekcija po općinama i kantonima u Federaciji BiH.

Bisenija Mušedinović uputila je pitanje Federalnom ministarstvu obrazovanja i nauke: na osnovu kojeg akta, pravilnika, odnosno zakona je dato pravo provođenja akata oko izvođenja praktične nastave obuke sa srednjim stručnim školama i privrednim komorama, a u isto vrijeme se onemogućilo obrtničkim. Također, zastupnica je tražila da joj se odgovor dostavi napismeno, kako bi obrtničke komore mogle nastaviti rad u skladu sa zakonom i statutarnim propisima.

Asim Kamber osvrnuo se na pitanje koje je postavio u oktobru 2024. godine vezano za potrošnju sredstava namijenjenih za izbjegla i raseljena lica. Također je izrazio nezadovoljstvo u vezi s pitanjem koje je postavio na prethodnoj sjednici, a odnosi se na hapšenje policajaca u akciji "Kocka". Pitanje je uputio ministru unutrašnjih poslova Rami Isaku: koje su količine novca koje su policajci primili i da li je poznato da je naredbom sudije za prethodni postupak naređeno hapšenje i ko je promijenio odluku o hapšenju.

Almedin Aliefendić zatražio je da mu se dostave odgovori sa 19. redovne sjednice upućeni Poreznoj upravi Federacije i Federalnom ministarstvu finansija, vezano za podatke o dobiti *Heidelberg cementa* Kakanj.

Pitanje sa 23. sjednice uputio je Federalnom ministarstvu okoliša i turizma kao i Federalnoj upravi za inspekcijske poslove, da li nadležne institucije prate poštivanje okolinskih dozvola u Kakanju posebno kada je riječ o kompaniji *Heidelberg cement* Kakanj i da li su preduzete mjere inspekcijskog nadzora nad njenim radom i emisijama zagađenja.

Kenela Zuko prvo pitanje uputila je nadležnom ministarstvu, dokle se došlo sa realizacijom strateški važnih projekata Tunela Hranjen i brze ceste Tuzla-Sarajevo. Drugo pitanje je upućeno Ministarstvu za boračka pitanja: dokle se došlo sa uvođenjem boračkog dodatka penzionisanim borcima.

Haris Šabanović ponovio je inicijativu koju je uputio na 22. redovnoj sjednici, a odnosi se na izmjene načina rada na raskrsnici magistralnih pravaca M-17 i M-14.4.

Bajro Makić postavio je pitanje za Vladu Federacije i Federalno ministarstvo poljoprivrede, vodoprivrede i šumarstva: kada će se u parlamentarnu proceduru uputiti zakon o šumama Federacije BiH.

Ajla Milišić-Pepić postavila je pitanje Direkciji robnih rezervi Federacije BiH zašto se električne cigarete i iqos uređaji ne tretiraju isto kao i prave cigarete, jer se, kako je rekla, može vidjeti da sve više zemalja EU-a iqos tretira kao i obične cigarete. Uputila je također inicijativu da se uvede dodatni porez na luksuzna motorna vozila, kao i za domaćinstva koja posjeduju dva ili više automobila.

Melika Mahmutbegović uputila je inicijativu Ministarstvu zdravstva da se u narednom periodu uradi nacionalni program rane detekcije karcinoma dojke, debelog crijeva, pluća, cerviksa i prostate te da taj program bude ukalkulisan u budžet za 2026. godinu. Također, zastupnica je uložila prigovor vezano za sazivanje tematske sjednice koja je bila 24. 6., na kojoj se raspravljalo o bitnim temama, a pozivi nisu bili u skladu sa Poslovníkom. Druga primjedba je upućena predsjedavajućem, jer je zastupnike na toj sjednici, kako je naglasila, optužio za nemar.

Predsjedavajući **Dragan Mioković** odgovorio je zastupnici Meliki Mahmutbegović i rekao da Poslovník Predstavničkog doma Parlamenta Federacije ne poznaje termin *tematske sjednice*, što znači da sazivanje sjednice nije regulisano.

Alma Kratina uputila je svoju inicijativu prema Vijeću ministara u proceduru tako da je nije čitala. Kratko se osvrnula na kritike vezane za sjednicu i dala svoje obrzloženje u vezi sazivanja sjednice i poziva za istu.

U diskusiji o izmjenama i dopunama dnevnog reda učestvovali su: Alma Kratina, Adisa Kokić-Hinović, Damir Mašić, Adnan Efendić, Haris Šabanović, Mirsad Zaimović, Edin Smajić, Mahir Mešalić, Edin Smajić, Mahir Mešalić i Damir Mašić.

Na glasanje je stavljen prijedlog Vlade FBiH da se u dnevni red uvrsti Prijedlog Zakona o izmjenama i dopunama Krivičnog zakona, kojim je sa 68 glasova *za*, 1 uzdržanim i bez glasova protiv usvojena dopuna dnevnog reda.

Zastupnica Alma Kratina povukla je svoj prijedlog dnevnog reda.

Prijedlog dnevnog reda:

DNEVNI RED

1. Prijedlog Zakona o postupku prenosa prava vlasništva na nekretninama u vlasništvu Federacije BiH, kantona, gradova i općina na nastradalim područjima – skraćeni postupak,
2. Prijedlog Zakona o izmjenama i dopunama Zakona o platama i drugim naknadama sudija i tužilaca u Federaciji BiH – skraćeni postupak,
3. Prijedlog Zakona o izmjeni Zakona o platama i naknadama u organima vlasti Federacije BiH – skraćeni postupak,
4. Prijedlog Zakona o izmjenama i dopuni Zakona o prodaji stanova na kojima postoji stanarsko pravo,
5. a) Izvještaj o izvršenju budžeta Federacije BiH za period od 1. januara do 31. decembra 2023. godine,
b) Izvještaj o izvršenju budžeta Federacije BiH za period od 1. januara do 31. decembra 2024. godine,
6. Izvještaj o investiranju javnih novčanih sredstava Federacije BiH za period od

1. 1. 2024. do 31. 12. 2024. godine,
7. a) Izvještaj o zaduženju Federacije BiH po osnovu emisije obveznica na dan 18. 3. 2025. godine,
b) Izvještaj o zaduženju Federacije BiH po osnovu emisije obveznica na dan 25. 3. 2025. godine,
c) Izvještaj o zaduženju Federacije BiH po osnovu emisije obveznica na dan 15. 4. 2025. godine,
d) Izvještaj o zaduženju Federacije BiH po osnovu emisije obveznica na dan 6. 5. 2025. godine,
8. a) Izvještaj o zaduženju Federacije BiH po osnovu emisije trezorskih zapisa na dan 4. 3. 2025. godine,
b) Izvještaj o zaduženju Federacije BiH po osnovu emisije trezorskih zapisa na dan 8. 4. 2025. godine,
9. a) Izvještaj o zaduženju Federacije BiH po osnovu kratkoročnih kredita komercijalnih banaka na dan 28. 2. 2025. godine,
b) Izvještaj o zaduženju Federacije BiH po osnovu kratkoročnih kredita komercijalnih banaka na dan 31. 3. 2025. godine,
10. Usaglašavanje Prijedloga Zakona o izmjenama i dopunama Krivičnog zakona FBiH,
11. Izbor i imenovanje.

Sa 48 glasova *za*, 2 uzdržanih i 28 glasova protiv nije usvojen dnevni red.

Zastupnik Damir Mašić zatražio je pojedinačno izjašnjavanje.

Nakon pojedinačnog izjašnjavanja, sa 48 glasova *za*, 2 uzdržanih i 35 glasova *protiv* **prijedlog dnevnog reda za 22. redovnu sjednicu nije usvojen.**

Predsjedavajući je zaključio rad 22. redovne sjednice u 11:55 sati.

Transkript i prijepis transkripta čine sastavni dio ovog zapisnika.

SEKRETAR
PREDSTAVNIČKOG DOMA
PARLAMENTA FEDERACIJE BiH

Ivan Miličević

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH

Dragan Mioković